



東山志卷之十八

祝文

杭城三太傅祠文

於維三公望隆奕世秀毓東溟匡扶晉宋弼亮

皇明柱砥中流鴻圖敕定功業文章後先輝映吳山浙水寢席  
有嚴令儀孔赫百世具瞻某等承之茲邦景賢慕德永奠蒸嘗  
神風昭格 浙江巡按監察御史傅鳳翔撰

上祭文肅公祠文

先生道宗孔孟業授二程克已去根持敬惺々以所自得發明  
經義功在聖門澤延後裔先生神爽諒亦在茲尊俎三遷雲山  
有祠雲山奕々是瞻是式百千萬年禋祀無斁

皇帝遣浙江布政使司左叅政周季麟

諭祭于封右春坊右諭德謝恩

曰惟爾稟通敏之資擅明經之譽和易接物雅善存心教  
子義方而早魁甲榜侍朕講席而克効忠誠肆封命之累  
頒胡壽年之弗永訃音忽至卹典宜申特命有司為營葬

祭爾靈不昧尚克歆承

皇帝遣浙江布政使司右叅議方全

諭祭于詹事府少詹事兼翰林院侍講學士謝遷母宜人

鄒氏

曰惟爾婦道母儀著稱閨闈篤生令子魁選賢科進講慎  
勤實由慈訓既膺封命宜享壽榮胡為一疾溘焉長逝特  
超常典勅以葬祭爾靈不昧尚克歆承

諭祭九壇

初喪

皇帝遣浙江布政使司左叅政任忠

諭祭于致仕少傅兼太子太傅戶部尚書謹身殿大學士  
謝遷

曰卿以純正之學弘博之才擢冠甲科歷官侍從經帷獻  
納一本於誠史局編摩克持以正東宮輔導格心多啓沃  
之功秘閣登庸

顧命受匡扶之託中遭權抑養晦無尤朕念老成敦迎再起  
四朝碩輔一代名臣方詒諏以嘉猷乃辭榮而引退蒲輪遣  
使綸詔覃恩壽考全歸榮哀何憾訃音忽至良用悼傷爰  
命有司特賜葬祭靈其如在尚克歆承

首七一壇

曰卿端懿明粹弘雅公清歷事

累朝忠藎茂著令聞碩德載在典彝日月不居候臨首七乃  
申卹典諭祭載頒九原不昧其歆承之

七

三七

四七

五七

六七

七七

一葬各一壇

文俱同但首七改某七  
一葬改窀穸

諭祭二壇

初喪一壇

皇帝遣浙江布政使司左叅議顧璘

諭祭于致仕少傅兼太子太傅禮部尚書武英殿大學士  
謝遷妻封一品夫人徐氏

曰爾以衣冠著姓懿行夙彰配德鴻儒允宜家室持身正  
內教子成名屢被恩褒晉隨朝謁夫階峻陟寵命荐加祿

冠品流光生族里高年盛福增重世家桑梓優游方期偕  
老胡然一疾遽告長終眷我舊臣特頒卹典遣官諭祭以  
示殊恩仍勅有司為營葬域靈其不昧尚克承之

下葬一壇

曰爾以元臣嘉配內助恒多疊受褒封旋躋極品淑慎之  
行莊肅之規嗣美國風光我王化孫曾茂衍福壽兼隆追  
念死生榮哀具稱茲臨窆窆載祭爾靈九原有知庶其歆  
慰

文正公祠文 監察御史傅鳳翱

惟公秀鍾全浙靈毓東溟四朝憑翼羣公典刑舜水湯、龍山  
奕、寢廟有嚴蒸嘗罔極

褒忠祠文 太子太保兵部尚書胡宗憲

惟君繩武名家儲英胄監倡義攘夷捐軀赴難激揚忠節錫命  
自天翼祠文正血食絲、

又 監察御史趙孔昭

宰輔之裔簡命未授尚爾家食夫孰不欲坐享平康焉敢近夫

鋒鏑子獨豪宕慷慨忠勇天植國步多艱兵燹靡一一旦沓至  
於姚地而將司奪魄者卒至於竄身而無策子乃挺身格鬪自  
朝至夕射傷數賊力屈而斃此豈訐謨之弗臧實天欲成乎大  
節嗚呼血流山谷身膏草野攄忠王事子固一世之英傑家聲  
賴子以耿光材官用是而奮激褒錄之典常濟美於先哲孔昭  
風紀一方聞之哀裂茲陳薄奠預昭忠節

活人陰騭出正俗編 謝鐸述

餘姚謝堂為福建藩司都事南昌王仁亦為汀州郡經歷仁之

先亦謝王則從其外氏也瑩剛直而仁廉惠宣德間會沙賊  
鄧茂七流劫郡邑瑩與仁俱以才猷檄守松谿政和之役以計  
擒其首惡而協從者悉原之還所掠婦女老幼若干人民獲安  
堵按王謝仕非甲科官皆幕屬能悉心為民禦災捍患所全活  
者幾千萬人其功德之顯莫如此而陰隲於冥者重矣瑩之  
孫遷登成化乙未狀元及第官至少傅大學士謚文正迪亦舉  
進士官至布政使曾孫丕亦以解元及第官至少宰仁之子一  
夔登天順庚辰狀元及第官至工部尚書復其原姓孫曾連登  
甲第為少卿為御史二氏簪黻不絕迄今尤盛由是觀之  
人患不為善耳苟存一念之善天道好還報自不爽傳曰積善  
之家必有餘慶信夫

東山志卷之十九

詩

石壁精舍還湖中

謝靈運

昏旦變氣候山水含清輝清輝能娛人游子澹忘歸出谷日尚  
早入舟陽已微林壑歛暝色雲霞收夕霏芰荷迭映蔚蒲稗相  
因依披拂趨南徑愉悅偃東扉慮澹物自輕意愜理無違寄言  
攝生客試用此道推

登石門最高頂



晨策羸絕僻夕息在山樓  
疏峯抗高館對嶺臨迴谿  
長林羅戶庭積石擁階基  
連巖覺路塞密竹使徑迷  
來人忘新衢去子惑故岐  
活々夕流駛噉々夜猿啼  
沈冥豈別理守道自不携  
心契九秋幹目翫三春蕙  
居常以待終處順故安非  
惜無同懷客共登青雲梯

於南山往北山經湖中瞻眺

朝旦發陽崖景落憩陰峯  
舍舟眺迴渚停策倚茂松  
側徑既窈窕環洲亦玲瓏  
俛視喬木杪仰聆大壑淙  
石橫水分流林密蹊絕蹤  
解作竟何感升長皆丰容  
初篁苞綠籜新蒲含紫茸  
海鷗戲春岸天雞弄和風  
撫化心無厭覽物眷彌重  
不惜去人遠但恨莫與同  
孤游非情歎賞廢理誰通

還舊園作見顏范二中書

辭滿豈多秩謝病不待年  
偶與張邴合久欲還東山  
聖靈惜迴眷微尚不及宣  
何意衝飈激烈火縱炎煙  
焚玉蕝崑峯餘燎遂見遷  
按沙理既迫如邛願亦愆  
長與歡愛別永絕平生緣  
浮舟干仞壑總轡萬尋巔  
流沫不足險石林豈為艱  
閩中安可處日

夜念與旋事蹟兩如直心愜三避賢託身青雲上棲巖挹飛泉  
盛明盪氛昏貞休康屯遭殊方咸成貸微物豫采甄感深操不  
固質弱易扳纏曾是反昔園語往實欵然曩基即先築故池不  
更穿果木有舊行壤石無遠延雖非休總地聊取永日間衛生  
自有經息陰謝所牽夫子照情素探懷授徃篇

登臨海嶠初發疆中作與從弟惠連可見羊何共和之

杪秋尋遠山、遠行不近與子別山阿含酸赴修吟中流袂就  
判欲去情不忍顧望脰未涓汀曲舟已隱、汀絕望舟驚棹逾

驚流欲抑一生歡并奔千里游日落當棲薄繫纜臨江樓豈惟  
夕情歛憶尔共淹留淹留昔時歡復增今日歎茲情已分慮况  
乃協悲端秋泉鳴北澗哀猿嚮南巒戚、新別心悽、久念攢  
攢念故別心旦發青谿陰暝投刻中宿明登天姥岑高、入雲  
霓還期那可尋儻遇浮丘公長絕子徽音

過始寧墅

束髮懷耿介逐物遂推遷違志似如昨二紀及茲年緇磷謝清  
曠、慚貞堅拙疾相倚薄還得靜者便剖竹守滄海枉飄過

舊山行窮登頓水涉盡迴沿巖峭嶺稠疊洲縈渚連緜白雲  
抱幽石綠篠媚清漣葺宇臨迴江築觀基層巔揮手告鄉曲三  
載斯歸旋且為樹枌櫛無令孤願言

道路憶山中

采菱調易急江南歌不緩楚人心昔絕越客腸今斷、絕雖殊  
念俱為歸慮歎存鄉尔思積憶山我憤懣追尋棲息時偃臥任  
縱誕得性非外求自己為誰纂不怨秋夕長恒苦夏日短濯流  
激浮湍息陰倚密竿懷古叵新歡含悲忘春暖悽々明月吹惻  
惻廣陵散殷勤訴危柱慷慨命促管

從斤竹澗越嶺谿竹

猿鳴誠知曙谷幽光未顯崑下云方合花上露猶泫透迤傍隈  
隩迢遰陟陁硯過澗既慮急登棧亦凌緬川渚屢經復乘流翫  
迴轉蘋萍泛沈深孤蒲冒清淺企石挹飛泉板林摘葉卷想見  
山阿人薜蘿若在眼握蘭勤徒結折麻心莫展情用賞為美事  
昧竟誰辯觀此遺物慮一悟得所遣

南樓中望所遊客

杳々日西積漫々長路迫登樓為誰思臨江迓來客與我別所  
期々在三五夕圓景早已滿佳人殊未適即事怨睽携感物方  
悽憾孟夏非長夜晦明如歲隔瑤華未堪折蘭若已屢摘路阻  
莫贈問云何慰離析搔首訪行人引領冀良覲

田南樹園激流植援

樵隱俱在山由來事不同不同非一事養疴亦園中園中屏氛  
雜清曠招遠風卜室倚北阜啓扉面南江激澗代汲井插槿當  
列墉羣木既羅戶衆山亦當牕逶迤趨下田迢遰瞰高峯寡欲

不期勞即事罕人功惟開蔣生徑永懷求羊縱賞心不可忘妙  
善冀能同

齋中讀書

昔余游京華未嘗廢丘壑矧乃歸山川心迹雙寂寞虛館絕諍  
訟空庭來鳥雀臥疾豐暇豫翰墨時閒作懷抱觀古今寢食展  
戲譁既笑沮溺苦又哂子云閣執戟亦以疲耕稼豈云樂萬事  
難並歡達生幸可託

石門新營所住四面高山廻谿石瀨茂林脩竹

濟險築幽居披雲臥石門苔滑誰能步葛弱豈可捫嫋々秋風  
過萋々春草繁主人游不還佳期何由敦芳塵凝瑤席清醑滿  
金尊洞庭空波瀾桂枝徒板翻結念屬霄漢孤景莫與諼俯濯  
石下潭仰看條上猿早聞夕飈急晚見朝日曛崖傾光難留林  
深嚮易奔感徃慮有復理來情無存度持乘日用得以慰營魂  
匪為衆人說冀與智者論

酬從弟惠連

寢瘵謝人徙滅迹入云峯巖壑寓耳目歡愛隔音容永絕賞心

望長懷莫與同末路值令弟開顏披心胷心胷既云披意得咸  
在斯陵間尋我室散帙問所知夕慮曉月流朝忌曛日遲悟對  
無厭歎聚散成分離分離別西川迴景歸東山別時悲已甚別  
後情更延傾想遲嘉音果枉濟江篇辛勤風波事欵曲洲渚言  
洲渚既淹時風波子行遲務協華京想詎存空谷期猶復惠來  
章祇足攬余思儻若果歸言共陶暮春時暮春雖未交仲春善  
游遨山桃發紅萼野蕨漸紫苞嚶鳴已悅豫幽居猶鬱陶夢昧  
佇歸舟釋我吝與勞

西陵遇風康樂詩四章之一章

謝惠連

靡々即長路戚々抱遙悲々遙但自彌路長當語誰行々道轉  
遠去々情彌遲昨發浦陽汭今宿浙江湄

泛湖歸出樓中翫月一首

日落泛澄瀛星羅浮輕橈憩樹面曲汜臨流對迴潮輟策共駢  
筵並坐相招邀哀鴻鳴沙渚悲猿嚮山椒亭々映江月颯々出  
谷颯斐々氣冱岫泫々露盈條近矚祛幽蘊遠視盪諠囂晤言  
不知罷後夕至清朝

李白

携妓上東山悵然悲謝安我妓今朝如花月他妓古墳荒草寒  
白雞夢後五百歲洒洒澆君同所歡酣來自作青海舞秋風吹  
落紫綺冠彼亦一時此一時浩々洪流之詠何必奇

又

安石東山三十春傲然携妓出風塵樓中見我金陵子何似陽  
臺雲雨人

又

不到東山久薔薇幾度花白雲他自散明月落誰家

又

我今携謝妓長嘆絕人羣欲報東山客開軒掃白雲

又

嘗高謝太傅携妓東山門楚舞醉碧雲吳歌斷清援暫因蒼生  
起談笑安黎元

又

晉室昔橫潰永嘉逐南奔沙塵何茫茫龍虎闢朝昏胡馬風漢

草天驕感中原指匠感頽運雲鵬忽飛翻組練照楚國旌旆連  
海門西秦百萬衆戈甲如雲屯投鞭可填江一掃不足論皇運  
有返正醜虜無遺魂談笑過橫流蒼生望斯存想像東山姿緬  
懷右軍言梧桐識嘉樹蕙草留芳根白露映春洲青龍見朝暎  
地古雲物在臺傾禾黍繁我來酌清波於此樹名園功成拂衣  
去歸入武陵源

又

奇山日將暝寂寞謝公宅竹裏無人聲池中虛月白荒庭衰草

徂廢并蒼苔積唯有清風閒時起泉石

陳子翬

謝公昔日居東山、在始寧蒼翠間  
扳援石壁入深窈峻步嶺  
嶠逾平寬二川合流龍起陸兩眺相望如虎伏  
有時高臥夢蒼生野墅風清棋一局出本為晉非為桓  
天下賴公磐石安白雲孤飛明月落薔薇  
花開春晝寒我來欲洗登山屐調馬岡頭苔  
蘇碧但存遺像照山河翁仲無言臥荆棘

許謙

清谿護連山雙壁鎖幽洞初登憂徑險小入喜境空  
木落猱攫驚叢卑禽鳥聿嶮行幾盤折彷彿天籟動  
蒼厓倚空碧仰睇石流潼分張山路輕翕聚魯縞重  
變化態萬千敝地風雷鬩粵從混沌鑿天造景已貢  
仙靈擅虛寂緘閱未忍送賢哉康樂翁為洗塵俗夢  
胡為百年後樂與來者共我來屬久晴泉瀉澁如凍  
鬱氣噴林薄眯目作寒霧舟子招我行風疾纜欲縱  
後期當何時坐對玉帶竦

王蓋



峭石凌雲碧海東，山佳氣正蔥蔥。謝家遺韻千年外，晉代雄  
圖片局中古寺。尚留塵榻穩臥龍，終起野潭空也知撫景懷人  
意海內何人得似公。

徐元璋

白雲深處路兩眺，縱盤桓脚底風波險。眼前天地寬，  
寂池春水暖。薇洞曉嵐寒，欲問當年事。殘碑尚可觀。

元貞僧

太傅前朝宅，重來動古愁。白雲千嶂曉，明月兩山秋。松暗登山

逕苔荒，洗屐流。憧憧往來者，誰復似公游。

許思恭

公餘一日閑，乘興到東山。遠岫嵐飛動，曲江舟往還。白雲封臥  
榻，明月透禪關。千載風流去，漁樵一話間。

金元素

東眺連西眺，南山望北山。潮隨江月上，風度嶺雲還。勲業千年  
後，漁樵一話間。空餘歌舞地，鍾磬出禪關。

王應麟

東山美周公千載邈遺音  
樂謝家安陳迹猶可尋  
仰睇虞峯高俯挹娥濤  
深俾人不可作感慨生  
登臨典午鼎爰日月照  
忠忱談笑沮溫謀尊俎  
却氏侵斯民免為魚清  
風濯釜鬻撫箏疑未釋  
西州復沾襟紫囊皆少  
年秉鉞掃霽露茂績世  
茅土有孫亦瓊琳祚多  
叩金刀志士皆噎喑曷  
不効靖節種菊遁幽林  
既縻元嘉爵空懷子房  
心鴻冥九霄遠雉翳嗟  
珍禽行藏異危孫攬古  
得良箴吾游幾入越獨  
欠躋欽岑晉士豈清談  
砥柱屹江潯翠屏依空  
碧浮雲更古今永言廣  
武嘆誰續洛生吟

初夏游太原湖復自雙江登東山國慶刹

皮日休

越舩輕似萍漾漾出煙郭  
人聲漸踈曠天氣忽寥廓  
伊予愜斯志有似劓癩瘼  
遇勝即夷猶逢幽且淹泊  
俄然棹深處虛無倚岩嶸  
霜毫一道人引我登山閣  
當中見壽像欲禮先紛箔  
珠幡時相鏗恐是諸天樂  
樹杪見觚稜林端逢赭堊  
洗屐池尚在靈源曾未涸  
疑通以人道水色黠而惡  
欲照六藏驚將窺百骸愕  
旋去調馬罔其險如印窄  
悠然放吾興欲把青天摸  
紫藤垂罽

琪紅荔懸纓絡，蘇厚滑似珠。峯尖利如錐，斯須到絕頂似愈漸。  
離燿一片太湖之，只驚天漢落。梅風脫綸帽，乳水透芒屨。風姿  
與波采不動，渾相著。說不暇，供應將何以酬酢。却來穿竹徑，似  
入清油幕。穴恐水君開，龕如鬼工鑿。窮幽入茲院，前楯臨巨壑。  
遺畫龍奴，猗殘香虫篆。薄褫魂窺玉鏡，澄慮聞金鐸。雲態共縈  
留鳥言，相許諾。古木勢如虺，近之恐相蝨。走礮聲似磬，聞之意  
爭博。時禽候已嘿，衆籟蕭然作。遂令不羈性，戀此似纏縛。念彼  
支許流，將生付寂寞。曾無膚撓事，肯把心源度。胡為儒家流，沒  
齒勤且恪。言行既異調，棲遲亦同託。願力倘不遺，請作華林鶴。  
次皮襲美韻亦咏前游太康湖之東山寺

陸龜蒙

始寧涵汀洲，碧波浸山郭。微雨蕩春醉，上下一清廓。奇蹤欲探  
討，靈物先瘳瘼。飄然蘭葉舟，旋倚煙霞泊。吟譚亂蒿檣，夢寐雜  
巖岬。纖情不可逃，洪筆難輟閣。豈知楞伽會，乃在山水箔。金僊  
著書日，世界名極樂。蒼筤冠諸香，琉璃代華疉。禽言經不輟，象  
口川寧涸。萬善信為城，巖扞扞羣惡。清晨欲登造，安得無自愕。

險穴駭坤牢高蘿挂天笮此容淡相向恠蛟如可摸苔蔽石髓  
根蒲羞水心鏘岩復答摩髻日照稜覩絡仰首乍眩旋迴眸更  
輝耀簷端凝飛羽磴外浮碧落到迴解風襟臨幽濯雲屨塵機  
性非便靜境心所著自取海鷗知何煩尸祝酢峯圍秋鏡寒浪  
皺翠綃幕瀛灩豈免遭岷嶂非禹鑿潛聽鍾梵處別有松桂壑  
靄重燈不光泉澄網猶薄僮能躡孤刹烏慣親推鐸服道身可  
遺乞閒心已諾人間亦何事萬態相毒蠱戰壘競高深儒衣謾  
裒博宣尼名位達未必春秋作管氏包伯圖須人解其縛伊予

采樵者蓬藿方索莫多言富適采識度兩情恪詎寵生滅時肯  
教夷夏錯未為堯舜用且向煙霞託我亦擺塵埃他年附鴻鶴

胡曾

五馬南浮一化龍謝安入相此山空不知携妓重来日幾樹鶯  
啼谷口風

陳蒙

空山杳々白雲孤雀咲風聲公夜歸一途屐痕香未散不禁明  
月照蒿微

韓境

調馬岡頭斷靄飛  
淮淝未了欠先歸  
江聲尚帶蒼生恨  
何似山中只采薇

張祐

寒色蒼々老栢風  
石苔清滑露華融  
半月四山鍾磬盡  
水晶宮殿月玲瓏

王銍

山晴山雨古今恨  
潮落潮生朝暮情  
我識前人舊時意  
寒岩一

夜聽江聲

題東山園

朱熹

家山花柳春侍女  
髻鬟綠出處亦何心  
晴雲在空谷

江月圖

江空秋月明  
夜久寒露滴  
扁舟何處歸  
吟笑永佳夕

東山高

行盡吳山過越山  
白雲猶是幾重關  
若尋汗漫相期處  
更在孤鴻滅沒間

又  
江谿經由數十回無因到此為潮催嘗聆文靖曾游後欲問蒼  
薇幾度開今日掣身推案去暫時秉燭入山來高僧不問誰家  
客獨許雲軒自把盃

秋日自太康轉泛雙江席上與一二知己觴咏感而有述

梅賾俞

山川本奇勝太傅心意投緬彼縱雲臥瀟灑脫羈囚洄光盪落  
日徘徊弄孤舟鳴榔詣測匝清唱發渡頭淺瀨不可泝停棹信

中流山尊對蒼翠沙鳥自沉浮濯足破嵐影采菱臨芳洲遠涉  
晚煙寂石壁紅樹秋細吐屐池泉邃藏谷隙樓纖狀不暇應絕  
景奪賞眸康樂足清尚惠連仍此游摘勝縷莫遺調鞅忙無休  
醉來同淵明興盡殊子猷歸傍漁梁靜行看夜火幽露華初滴  
滴夕吹何颺，所以紆俗想顧諒惟林立

初晴獨游東山寺

歐陽修

日煖東山去松門數里斜山林隱者處鍾鼓梵王家地僻遲春  
節風晴變物華雲光漸容與鳥嘒已交加水下泉初動煙中茗

未芽自心多病客來探欲開花

又挽謝太傅

前日賓齋燕今晨奠柩觴死生公自達存沒世徒傷舊國誰歸  
葬餘貲不給喪平生公輔志所得在文章

蘇軾

謝公含雅量世運屬艱難况復情所鍾感慨萃中年正賴絲與  
竹陶情有餘懽常恐兒輩覺坐令高處闌祛携縹緲人來上東  
西山放懷事物外徙倚弄雲泉一旦功業成管蔡復流言慷慨

桓野王哀歌和清禪挽鬚起流涕始知使君賢意長日月促臥  
病已辛酸慟哭西州門枉駕那復還空遺行樂處古木昏蒼煙

陸放翁

雲門禹穴徧游時每怪東山尚欠詩高臨兩眺一搔首男子要  
為天下奇

又

豈少名山宇宙間地因人勝說東山江拖銀練秋容淡峯削芙  
蓉翠嶂環別墅有棋莎緝斷碑無字蘚斑止更梵宇勲名

在不與薔薇一樣殘

張宛丘

一代聲華重偉人，豈知絲竹是經綸。  
投鞭眼底全空晉，賭墅枰前竟破秦。  
尊俎折衝知廟筭，金屏笑坐想風神。  
垂芳獨有薔薇在，靜倚山扉冷笑春。

題金陵東山魚憶東山之舊在會稽者 黃廷堅

石頭城外有東山，白日無情碧草間。  
花事已非清掖下，風光空想始寧間。  
金陵雲散難妖夢，紫塞塵高鳳不還。  
細向遺編檢勳

迹薔薇無主怨夫殘

又

天下佳山說會稽，山中風景尚宜詩。  
薔薇寂寞真孤負，雲月尋常入夢思。  
何日抽簪投隙地，還來拭目看殘碑。  
清泉白石平生癖，踏破蒼苔定有期。

游太康湖望東山

林逋

水痕秋落蟬螿肥，閒過清湖晚未歸。  
魚覺船行沉草岸，犬聞人語出柴扉。  
眺埋蒼桂寒雲重，寺隱丹楓夕照微。  
却憶當時謝太



傳風流亦解惜蓑衣

李光

才賢國運每相關出處公遭典午關夢裏鉛華渾脉々蕭中芳  
迹尚班々始高霄漢鴻飛遠終惜雲巢鳳不還好是南陽扶漢  
鼎勳名千古仰東山

張世傑

青山入望仰高名未暇登臨無限情君憤一偏思濟弱我悲六  
尺欲扶傾天竅今日江潮涸人勝當時草木兵分付山靈顏持

我婦清九土話昇平

薩天錫

千里拏舟過始寧江山無恙尚堪登水流花落已無處雲散月  
沉空有亭塵迹猶思尋草莽風情何處醉娉婷可伶鼎食傳僧  
火特采谿毛奠故陵

虞集

太傅東山杖履行總將憂患託幽情獨尋窈窕開瑤席雙引娉  
婷韻玉於春兩松間殘爽冷秋風江上暮塵生三分籌策頻繁

甚長望霄霄一羽輕

蘇平

山河方典午出處迹難窺  
深慰蒼生望還悲晉鼎移  
笑談消叛逆尊俎折淮淝  
回首感陳迹薔薇開對誰

尹岑

久羨東山景今朝始一登  
雙江和月白兩眺倚天青  
携妓曾歌舞令人感廢興  
平生重勲業俯仰舊儀形

張天錫

每憶東山勝英雄出豈常  
白雲與明月何處舞霓裳

唐之淳

東山鬱磅礴風氣所根柢  
勢雄蛟與虬急搏不可恃  
洪濤走其根土裂石齒々  
兩峯秀眉睫錯出犬牙倚  
昔有携妓人笑教雜燕喜  
詎無泉石懷一為蒼生起  
士類蒙拔擢中興賴經紀  
諸郎亦秀發芙渠在秋水  
無乃山川靈降集有如此  
我來春氣中瀑壯雨聲止  
冥搜苦日短未盡所歷美  
娟々薔薇花如月照清沁  
平生幾兩屐塵土思一洗

太傅今何在遺蹤尚可尋  
屐痕芳草暗棋局綠苔侵  
花簇舞裙錦鳥追歌管  
音兩江煙水合雙眺白雲  
深坐對此中景彌清塵  
外心悠然延佇久不覺日  
西沉

王鐔

劉思邵

我生好奇古忠義激肝腸  
鬱鬱懷曠達捫霞陟崇岡  
撫膺慨陳迹百物含淒涼  
詎不昭義命崛起慰蒼生  
矯矯冥鴻翼俛作雛鳳翔  
雛鳳羽嫌短棲梧鳴朝陽  
朝陽揭大照萬國祈明昌  
邈意載為歛歛

又

世益降微輝晰一方胡不  
舞虞廷胡不鳴西岐爛然  
孤文采干青山不得老白日  
忽已沉弔古尋遺迹恠望  
傷我心鼎鼎人事更迢々  
歲華侵風流一以去今古  
疇知音勝事有殊况宰木  
無佳陰高躋絕百代緬仰  
涕孤襟

瞿宗吉

翹首雙江上佳山在眼中  
沆坤遺勝迹今古仰清風  
暮雨鵲花

老春風撼壘空秦淮煙樹合何處覓英雄

木空山

癖我來貪此清幽入肺腸雨餘苔磴滑風細竹聲涼愛畫山窺閣濕衣雲滿床風流人不見月色可虛堂

又

我本愛山者還向山中宿主人不歸來江燕為誰絲

又

心鏡有餘白神室無纖埃山靜雲不飛亭空月還來

祥止庵

入山臥山雲臨江濯江水臥雲閑我心濯江清我穢二者真五師消此百後崇

又

裁雲補羅衣臨江濯雙足浩歌明月章清風飽吟腹一靜沉百喧何庸縻厚祿君看歌舞場猿猱嘯空谷

又

石磴穿雲上山窻對月惟相逢話前古潮送夕陽回

鍾欽禮

乘興訪松關風流去不還  
煙霞棲古寺猿窟怨空山  
苔蝕碑文暗山深棋墅閑  
一朝推雅量翊晉笑談閒

游東山聯句

太傅千年宅今朝作勝游盛  
江山新氣象柳人物舊風流葛  
素壁丹青石龔高岡山木稠  
花疑紅袖舞盧衣想白雲留  
磴截千尋險同天開兩眺幽  
狂秦將肆毒屠復晉豈無籌  
捷報來淝水范奇勳冠帝州  
蒼生俱賴業龔素志獨能酬  
屐折尋常事魏棋

殘幾百秋松高聽鳴雀英  
地冷泣潛蚪指石存危柱盛  
琵琶狀

小洲波光搖落日柳  
野色照吟眸談笑皆青眼葛  
登臨盡白頭

僂軒增感慨英倚杖更夷猶  
寶刹無新構同平墟有故丘  
飛々

沙磧燕屠渺々水中鷗  
隱士開瑤席范閒僧具茗甌  
山凝煙漠

漠龔雲逐鳥悠悠鶯哺幽巢  
鷺漁歸別浦舟英酣歌春欲老同

刻燭夜何悠漏寂蟾光淡盛  
窻虛曙色浮壯懷吟不盡  
長嘯看

吳鈞葛

始寧泉

葛皞

冰自始寧鄉名因太傅揚噴崖飛雨點映地湛天光分出方塘  
滿縈流碧澗長石根來汨汨竹裏響琅琅銀鯽吹晴沫黃猿飲  
夕陽山僧閒洗屐詞客許流觴釀酒添芳冽烹茶有異香汲泉  
登祖席滌褐上巖廊聖主臨軒待蒼生引領望願當持此潔均  
使渴心涼

東西眺

葛曉

東山吳越秀崑崙起雙眺登高送遠眸長江倚孤峭緬懷文靖  
公於馬寄清傲從龍去不還高風復誰蹈陳君濟時英山林久  
潛矐欲慰蒼生望起應天子詔携酒共登臨以水終日好離懷  
不可陳清風發長咲願言繼前脩華勲著廊廟

車儀

辰逢五百日漫爾一提壺舊迹猶堪賞風光未可孤違時聊放  
浪沉世發胡盧好景伊誰勝山川何處無

車乘

花朝候已近榆柳換新煙閒過謝公宅聊談衲子禪雲霄紫曉  
夢花鳥結春緣天末悲風發長歌明月篇

荏苒風日佳招搖清興屬捫蘿陟危磴香々入平谷梵宮藏竹  
深虛軒殿岩曲雲霞弄晴彩草樹含幽馥衆鳥春喧逐聞花燦  
紈縠風流不可作掀髯企芳躅

左鐸

汪惇

賞懷不可極下山泛清湖回瞻高臥處蕭條浮屠居偶起慰蒼  
生諒以非性初消叛折強虜碩望誠靡孤豐功薰蠹簡勝事萎  
穠蕪日暮表悲風為君發長嘯

汪克章

會稽多佳山茲山特奇勝秀巒拔芙蓉澄江開秋鏡雲牙淨巖  
扉竹松洒風磴千載懷風流為我惜清興

王鐸

謝氏多羣從攻秦獨舉玄計由棋上示捷向屐中傳遺迹江山  
寄芳聲竹帛鐫胸中立壑在借屐覽風煙

符泰

睽槩此鍾靈畫圖閉翠屏雙江秋練碧兩眺黛娥青明月已無

主白雲空有亭英雄名不死千古太常名

王侃

此日精舍地幽禪棲梵宮晴峯青漢出紺殿碧雲中樹色連雙  
眺鍾聲落半空翻思高臥者雅致許誰同

王文輝

江左舊禪林樓臺倚碧岑白雲浮洞口明月浸池心歌管圍屏  
冷煙霞步屨深英雄高臥處林木轉秋陰

樊文華

晉室興亡日先生出處間清風今尚在堪仰不堪攀

范雲

公為蒼生起芳名播古今豐功歸史筆勝槩隱禪林歌舞人何  
在登臨客壯吟江寒明月淨眺暝白雲深洗屐池萍合薔薇洞  
草侵重尋靈運迹得悟梵王音僧定鍾初靜樵歌日已沉秦淮  
煙水吟翹首仰高襟

周慎

先生高臥志本與白雲期潛慰蒼生望還扶晉室危山空無舊



宅苔蝕有殘碑翹首追風度男兒一代奇

道深

林空月自來江長山碧、閒持一卷經拂花坐苔石塵蹝一時  
併心鏡湛虛寂搔首惜風流雲去了無迹

東山圖送趙邑侯朝京

薛才用

明公作縣東山側幾度登臨撫遺迹薔薇洞口春花紅洗屐池  
邊秋草碧春來秋去三載過每憶前賢幽思多當時高臥不肯  
起當時蒼生其奈何淮淝捷來氛祲埽對客圍棋何草、風流

文雅何代無江左至今稱絕倒顧茲勝覽吾豈忘畫圖寫却懸  
中堂明朝朝覲上京國回首白雲空渺茫

韓仲止

雙坼潮聲從壯去羣峯秀色自東來靈嘗鍾傑地還在景似人  
為天故開袖手迹奸了無事圍棋却敵亦何哉江山滿目淒涼  
處着屐來看雨後苔

評史一首

王秋澗

一曰萬秦師未易摧動容無復捷音來入門偶折登山齒一矯論

恐長猜

李確

謝傅家山谿水濱  
風亭月榭淨無塵  
鳴騶不見南朝客  
舞佩空懷越國人  
雨過林巒朱檻冷  
浪翻菱藻石池春  
豪華盡逐東流去  
唯有芳名日更新

張楷

獨對風光把一卮  
謾將出處定狐疑  
子房憤復韓疆志  
諸葛來扶漢鼎時  
才產乾坤闕世運  
身於晉室繫安危  
英雄自逐浮雲

散六代山河似奕棋

薔薇洞賦送陳德輝應薦

吳昉

洞裏薔薇花正奇  
看花入洞值花時  
忽驚風動香初發  
殊覺山深蝶未知  
太傅適情曾對酒  
謫僊懷舊為題詩  
白雲寂寞春無主  
一任離筵折好枝

徐本淮

江南二月杏花春  
策馬尚岡訪晉臣  
明月不來還有恨  
白雲一  
云竟無人圍棋墅  
冷二秦着洗屐池  
空淨虜塵南渡英雄誰復

任夕陽紅上水灘

徐本濟

幾度東山之下過故人名遂已如何太平無事從高臥遲莫有  
懷成浩歌水合一江秋漁灩雲分兩眺翠峩杖藜回首倦登  
覽聞說于今豺虎多

憶東山

高啓

翹首江東兩鬢秋空從故紙仰前修僧房竹老無詩刻石洞天  
香有夢游丘壑頓懷成痼疾山靈思我積離憂石頭雲散豪華  
盡落日新亭空淚流

杜思恭

上山月正高下山月已黑謝公風流遠抵掌慨陳迹楸枰一局  
笑未闌捷書喜報收河山我今念此幾廢食諸公都作新亭泣

劉埏

高臥當年抱壯懷薔薇幾度落還開白雲萬里晴峯出碧浪滿  
江春水采別墅煙嵐成作夢新亭風景嘆遺材英雄千古山川  
老南國令人恨劫灰

談笑新亭鼎不移坐籌強虜在枰棋平生事業從容得莫道無  
心折屐遲

高啓

周諒

西風颯、動旌麾遠上山中謁古祠宦海淹人空有夢山靈笑  
我尚無詩草深久沒圍棋墅水涸空畱洗屐池莫把勲名等容  
易獨凭高閣起遐思

題東山圖

諸葛負

先生談笑破強敵遂安晉室如盤石曾携雲月上山來千古風  
流有遺迹風流往兮風塵多江流渺兮江水波展圖令人增太  
息天下蒼生奈尔何

杜時昇

晉室玄纁下會稽羌胡入寇繫安危兵馳淝水三千里馬渡秦  
關百萬蹄竹裏圍棋山月白花間行酒夕陽低青娥老去無消  
息草樹含風怨白雞

金元素

東山、水勢何雄絕，森嚴起梵宮。松竹翠搖殘雪後，樓臺光  
照夕陽中。詩才自愧唐王建，相業誰期晉謝公。千載風流遺迹  
在，登游那放酒杯空。

謝瑩

兩屐行穿一徑斜，紫薇開盡洞中花。老僧相見即相識，五百年  
前太傅家。

謁太傅祠

勝地名山祇暫看，老來誰復歷巔峴。不因開席勞龔遂，豈意扶  
藜謁謝安。天際雲山新日月，眼中人物舊衣冠。可怜千古興亡  
事，都在長吁一倚欄。

謝惟震

步上東山一徑深，提壺遙佇恣登臨。屐蹤印月依然在，尚有清  
風激古今。

彭誼

欲探勝境息塵機，袖拂天風上翠薇。山骨一拳擎漢遠，簷牙千  
尺碍雲飛。僧敲鐵鉢鳴龍起，客倚岩松待雀歸。明月已沉雲已

散年、江水恨斜暉

俞振才

松徑蒼茫一線通昔人曾此寄高風  
林間泉石晉宗廟江左衣冠今梵宮  
絲竹聲隨流水盡薔薇花共白雲空  
乾坤留得遺容在生氣猶堪掃稜虹

樊良器

不到東山二十年望中風景尚依然  
雲開雲合雙江外潮落潮平兩眺前  
事業總歸明代籍風流空想晉時賢  
我來不盡登臨

興長嘯一聲山月圓

丹崖翁

絕頂松風透膽清謝公曾此寄高情  
山橫兩眺暮雲碧江浸一天秋月明  
林下有僧敲錫響石邊無客聽棋聲  
薔薇洞口亭前水留得當年洗屐名

陳大紀

洞裏薔薇花正開洞門雲濕護蒼苔  
東西兩眺暮煙合大小雙江春水秀  
萬仞越峯天外列千年遼雀月中回  
謝公偉績分明

在一任塵氛自劫灰

龍霓

夕浦乘潮好放舟  
碧山如障水如油  
僧閒愛說千年事  
磴險慵登百尺樓  
候吏遠歸松壑暝  
崖碑細讀古堂幽  
當年曠達俱陳迹  
惟有寒江遶寺流

徐文彪

一上東山頓弔古  
山椒感慨立孤亭  
潮吞夜月雙江白  
雲散寒林兩眺青  
荒樹啄花憑野鳥  
夕陽掃葉見山僧  
繁華都逐風流去  
更有何人翊晉庭

謝輔

步入東山一徑深  
禪宮僻在白雲岑  
昔時高臥人何在  
唯有熱名照古今

馬易之

羣峯環翠兩江清  
僧納猶傳太傅名  
松磴落花侵屐齒  
竹窻疎雨雜棋聲  
朝廷礪堦安危重  
山水多情去就輕  
我欲登高弔千古  
小亭坐看白雲生

題青雲梯

吳昶

騎鯨僊人昔畱題東山古有青雲梯峻嶒直與石棧齊會稽諸  
峯手可携捫蘿躋磴還扶藜回首下界城郭低雲霞吞吐咫尺  
迷空中恍惚聞天雞春風灌水陰萋萋落花屐齒沾香泥潁川  
高士氣蟠霓十年茅屋甘隱棲臥枕白石漱清谿晨燒平田夕  
灌畦一朝領薦款金閨青雲萬里從此躋千金駿馬碧玉蹄追  
風逐電驕長嘶文章璀璨映璧奎喜動天顏御筆批玉階拜舞  
聯簪圭仍謁宰相行沙堤我有寶劍堪剗犀銹澀未經淬鷓鴣

青雲貴客曾見提違衆舉親稱祁奚雲衢却步如人擠歸來強  
顏見旄倪芸窗讀書復啖藜井臼賴有糟糠妻故人今去程莫  
稽醉拍銅斗歌銅鞮仰望青雲猶坦蹊我欲接武何噬臍舊囊  
無金車無輓臨岐贈燈徒愴悽江自東流日自西北山獨伴猿  
啼啼丈夫尋常困蒺藜不須再灼滅孫龜

謝肅

未戰已能知勝負戎夷何可抗王師捷書忽自淮淝至談笑從  
容更着棋



又  
天生賢達濟時艱再造王家笑語閒一自白雞成夢後越人空  
識舊江山

張居傑

幾年簪筆侍宸旒今日東山紀勝游兩眺並依銀漢近雙江迥  
接剡谿流梵王宮殿凝煙暮太傅雲軒過兩秋佳境宛然塵世  
隔月明依舊照林丘

葛瑗

出處從容道合權煙霞深處輟盤旋高岡有路曾調馬精舍無  
堂已住禪洗屐池荒蛙亂吠圍棋墅冷月空圓豪華散盡風光  
別獨對薔薇感昔年

又

獨上青山感慨深每將雲月想高襟煙霞一榻終成癖誰慰蒼  
生渴望心

潘府

高臥應知出處難白雲明月老空山澄清暫為蒼生起變故徒

懷海道還夫小江空秋漲遠東西眺冷夕陽殘淮淝咫尺中原  
近重使遺碑嘆玉顏

伍希儒

兩眺晴分碧霧收雙江勢合翠雲流  
花開花謝薔薇洞潮落潮生蘆荻洲  
明月有情留醉客斷碑無字臥荒丘  
野人騰有江湖思弔古來登百尺樓

謝迪

每憶遺蹤假勝游碧山如畫抱江流  
地傳雙眺高風在名重千年古像留  
棋局靜閒花塢畫樓臺虛冷海天秋  
崑崙石磴薔雲漢試屐還登最上頭

陳翀

憶從太傅此棲遲終古令人嘆黍離  
丘壑幽情唯自得庶堂碩望許誰知  
稽山風月雙吟屐晉代乾坤一局棋  
獨恨榮華眼中謝幾聲鶉鳩落薔薇

謝忠

香藹東山夢寐間青鞋今喜共躋坂  
石門翠拂岩頭霧江水碧

繁天外山細草覆階侵  
屐冷閒花滿洞點衣斑  
祠前鐵馬風聲急  
猶憶淮肥報捷還

倪宗正

金屏歌罷彩霞收  
山色依然映碧流  
圖書浪傳塵外景  
琵琶猶誌水中洲  
多情花草如三月  
回首風雲寄一丘  
試問白雲明月意  
何如燕子十年樓

謝朝宣

青山遙望白雲凝  
精舍禪宮感廢興  
洗屐池荒深蔓草  
圍棋亭冷繞枯藤  
風流遺事僧能話  
藜杖芒屨我獨登  
也為蒼生同此出  
英雄何敢附雲仍

薛之綱

好山如畫碧崔嵬  
清帶雙江天際來  
今日騷游追勝賞  
當時歌舞足徘徊  
僧房借靜還看竹  
野迳尋詩忽見梅  
眼底豪華盡消歇  
只須勲業未成灰

蕭鳴鳳

淮海東來得此峯  
蒼顏瘦骨轉孤衝  
堪盟牛斗千山聚  
江引滄

溟萬壑通兩眺春陰藏枕剡中天夜色起龍宮清時未了蒼生  
願高臥何年聽曉鍾

賦石門

徐子奎

路從何處上東山雙石為門晝不閉洞小不妨明月過山高殊  
礙白雲還牙簷零落交藤翠玉柱嶙峋蝕蘚斑太傅歸來人不  
守徧分春色落人間

陳緣

載酒重游興不禁緩携雙屐上高岑淒涼無惜風流迹感慨猶  
捫我輩襟幾許韶光聊賞目更留好月伴孤吟紺宮宏啓金屏  
冷空有勳碑照古今

陳時諫

晉相名垂天地間尚留芳迹在空山雙江月黑棋聲寂兩眺雲  
寒屐齒閒梵語有時聞竹院捷音無日到松關豪華已遠英雄  
去一代高風未易扳

陳恕

踏上海東山惜到遲山中無景不宜詩馬頭落日猶遺路屐洗晴

雲故有池江水月明駒去後石林花落而蹄時百年誰好江湖  
念千古英雄入夢思

任昇

胡馬長驅紫塞塵中原豪傑半沉淪白雲明月東山路笑彼新  
亭洒淚人

人

晉室東遷勢已危江南無地可棲遲先生不出東山去誰掃符  
堅百萬師

徐一愚

謝公已去東山空巖花穴樹無春容洞口哭月猿夜呼賭棋墅  
冷虢悲風瀕洞羶塵嘯羌羯天步崩奔爭一蹶笑拂閒雲隨詔  
來大慰蒼生望懸渴國非國是信口裁西征大將傾權懷辟兵  
詫破問鼎機貞心鐵挺真雄才君不見逆旅庭前示鞭媪已須  
風駿脫追來又不見枝江填浪滿百洲計在潛移晉家室當道  
豺狼務貪得不獨噬民圖噬國嗚呼潛龍泥蟠不作雲誰辯洗  
天有甘澤

東山風景似蓬萊幾許憑高一快哉  
潮漲雙江銀練淨雲收兩  
眺翠屏開夜沉虛室長來月春上空階  
半是苔借問遠師蓮社  
裏長安冠蓋幾人來

楊克彰

孫紀

晚涼携酒上崇丘木落西風古寺幽  
詩著謫仙唐制作名垂太  
史晉風流圍棋墅冷蒼苔雨洗屐池  
空碧草秋獨倚層樓看不  
厭一雙白鳥下滄洲

金南

一去英雄今幾秋  
水光山色憶夷猶  
長江收潦晴波碧  
虛谷無塵佛境幽  
翁仲原頭狐兔穴  
鳳凰臺下鹿麋游  
西風翹首秦誰  
上落日踈楊倚石頭

又

謝公高臥越江東  
一代聲華迹已空  
兩眺晴光江月白  
一簾春色洞花紅  
蒼生望渴雲霓上  
勲業名垂宇宙中  
特采江蘋薦祠  
下靜凭山閣似清風

老瞞延胡下秦川天為墮肉遺腥膻胡馬長驅塵漲天中原盡  
是胡雞煙東山有客獨惺然擁鼻長吟危聳肩長日圍棋呼阿  
玄一着要恢皇圖全南郡老兵空垂涎符氏百萬浪投鞭廟堂  
勝筭本無全昌明之后仍再傳玉郎高談如湧泉死葬蠻夷誰  
復怜莫笑將軍肉眼偏江東無如安石賢我來再拜奠芳荃皎  
皎白日丹心懸

王科

張景遜

好游弱冠訪名山此境名垂宇宙間不有英雄遺勝迹邨因騷  
墨共躋扳雲寒雨眺啼猿急月落雙江弔崔還玉樹金屏盡塵  
土秋風黃葉掩松關

杜漸

崔嵬山勢俯江湄正值蒼生渴望時雅量恢恢安晉室笑談了  
了却秦師豎荒天棘游麋鹿花落薔薇怨子規一自豪華成冥  
冥白雲明月負嘉期

陳道

越山森如戟，列桐栢四明。總奇絕，洞天杳邈，仙有無，千古詞林猶浪說。爭似東山秀，兩鍾高臥。當年未謝公，四海蒼生注渴。望幡然一出，成豐功，雲想歌兮月想舞。應有山靈長守護，綠蘿徧遠，讀書臺，碧蘚文侵調馬路。二謝真為一世英，至今名與山嶂嶒。地靈人傑，何時少，草澤深埋，惜終老。

張錦

幾年不到梵王宮，樓閣參差草木濃。雙眺有碑，明月落一軒無立，白雲空石門春鎖，薔薇洞竹院經翻，貝葉風謾向眼前傷。往事六朝雄業，夕陽中。

韓性

遠山倚空青濛濛，剡谿百匝來天東。天機不捲芳草碧，中有行地雙蟠龍。扶藜欲出人間世，俯視分明在平地。長松忽動雀飛來，萬里罡風起衣袂。薔薇開落春復秋，洗屐何人繼清游。凭闌一笑衆山小，遥指雲氣看齊州。

謝丕

兩眺幾頽，挽回衆心。若有元神催衣冠，此日猶爭仰兆域。何



八敢擅開二邑義聲逾谷響九原怒氣一潮來拜瞻已訂春秋  
約次第清泉奠一枯

又

短棹纔從剡曲回棹歌江上又相催源流一派天台遠闕闕干  
年太傅開刀剪榛蕪慚我後強邀雲月為誰來春山觸處添愁  
思莫遣鶯花侑酒杯

吳寬

東山高臥如龍蟠天下蒼生望謝安徵書再下翻然起五十不  
妨初作官征西將軍姓桓者致我胡為居幕下新亭狎視猶小  
兒流汗何人面如赭北兵百萬次淮淝別墅與客方圍棋捷書  
已至未終局江上阿玄班我師高懷磊落多長技誰識向來游  
戲事後世風流強慕之登山也復携歌妓

孟洋

東山名不異興復謝公宜芳草春携妓長松晝奕棋杯深花發  
際樓迥月臨時並有徐劉輩經過數賦詩

謝敏行

國慶名山在何所小江東畔歙江滸三歲高峙削芙蓉兩眺平  
臨分太宇大傅生游死埋玉弟相從附阿曲于此傳芳千百  
年史書野老皆緝屬如何狂悖生覬覦伐木夷陵勢赫奕九原  
神靈若有知六邑義聲滿山陌幾載相持事始平吁嗟鬱攸變  
陵谷何人再復千年禮媿我經營後麟叔憶昔廟額金若輝而  
今遺像披草萊水源木本誰縈念屐路禪關次第開

萬曆三年夏四月小江歸舟夢中得句 無名氏

千古奇勳畱兩眺棋枰屐齒印高峰碑文歷々青苔合廟額巍  
巍綠樹重昨夜城狐將作穴今朝社鼠欲遺蹤六邑義聲同日  
起青山依舊白雲封

謝鳴鳳

上築東山定一面後先高隴迭相摧道傍翁仲因誰在院裏祠  
堂為晉開燕認烏衣春自集雀依華表夜還未年々願執增封  
役拜掃墳前酌一杯

謝讜

兩眺行吟首重回况逢江上片雲催屐故向荒池洗棋局仍

尋舊墅開紫蔓當門僧入定  
細莎帶雨心未稀丘墳正近薔薇  
洞青海音容眞一杯

謝應奎

一自寧泉翦棘回寺前荆棘又相催  
五胡腥穢淮淝洗半鋒東  
南太傅開遼寇尚還華表在真龍  
未許後人來試看一泓雙江  
水常遶千年兩眺臺

登東山用晦翁韻

洪珠

玄鳥東山又兩回天高風急夕陽催  
謝公樂意不可極白也幽

懷能幾開寺隱松雲飛鳥沒江空蘿月帶潮來  
回看出處驚成  
幻惆悵青山一舉杯

又

江上看山偶共回禪鍾猶記去年催  
吹依兩眺天風落醉泊孤  
舟晚照開古塔月明僧自定仙源路杳夢還來  
莫將蹤跡嗟萍梗  
逢着高人且共杯

重建法雲寺記

特進光祿大夫柱國少師兼太子太師中極殿大學士吏部尚書經筵 國史總裁郡人李春芳撰

維揚法雲寺者僧道宣重建也告成叙其創廢本末乞為之記  
余覽郡乘載法雲在揚之大東門外稱名利馬西晉寧康三年  
太傅謝文靖公安刺揚州時故宅也及公移鎮廣陵改居新城  
其姑氏捨宅為尼院乃創額法雲云即寺肖像以祠公嘗手植  
二檜唐張祐有謝家雙檜水同榮之咏世實錄也貞觀五年更

新之

國朝永樂一統間相繼葺理而成化之役最為宏麗語在錢漣  
記中正德丁卯重修者僧大賢也迨萬曆甲戌香燈廢墜棟宇  
復頽荆棘藜藿茂矣時鹹司使崔公孔晰主公憑各捐俸資為  
其倡而道宣亦爰率弟子協力化施鳩工庀材以次葺治于定  
殿堂門廡方丈井之聿新一切諸佛菩薩羅漢及大士法相無  
不莊嚴輪奐悉成丹雘煥然巋然為一方大叢林矣經始于甲  
戌季冬至乙亥仲秋告成計呼用緡錢若干所喜捨士女若干

是時觀者莫不敬禮皈依若黃金重布白玉再光也何以故六  
浮屠之教上昭無始下盡無明釋群迷期登彼岸今道宣者克  
脩梵行共成勝果是謂聚沙能佛道合掌可入睚流其用心亦  
勤矣然則能使數十年頽宮廢刹一旦化成佛土于我年氏之  
慈悲大覲不止崇飾具在抑假人以舟航者也倘所謂戒行精  
進者非耶且也又使文靖公香火之報傳之永、無窮道宣之  
功豈不偉歟是役也協力者道宣之徒臨、短孫悟埒并書之

萬曆三年八月

日住山沙門道宣立石

東山志後序

志者志不忘也無所徵不敢妄書也每徧  
閱諸宗家乘史傳羣書之該載者考訂編  
次亦頗詳矣東晉已來祭酒公自陳暉僑  
寓會稽之始宣再傳而太傅文靖公出焉  
齒髮漸散居浙之東西或居閩越南越

或居於右河南或居巴蜀天楚雖有遠近  
親疎之別無非祭酒公太傅公之裔孫也  
其間立德立功立言之士世不乏人太上  
立德惟德為難我上世以德為本是以植  
本固而發源長也竊惟忠孝節義者德之  
幹也功業文章者德之華也自晉及今連

之千百歲矣尚尔彬彬、奕家傳而石誦  
豈非一德之所遺乎周之興德配天地傳  
之八百而子孫蔓延於無窮陳雷之始本  
諸申伯誠立德之餘休也是志之續傳賴  
我宗姓能服膺前哲種德無量則此志之  
續傳將億萬禩於無窮也抑何區區一已

之所老訂編次而己乎

萬曆丙子夏六月望嗣孫中憲大夫太常  
少卿管尚寶司事敏行百拜謹書





